

**10 мая 2020 года**

**НЕДЕЛЯ 4-я по ПАСХЕ,**

**О РАССЛАБЛЕННОМ**

**Последование часов и обедницы  
для домашнего (келейного) совершения**

### **ЧАС ТРЕТИЙ**

Молитвами святых отец наших, Господи Иисусе Христе, Боже наш, помилуй нас.

**Христос воскрес из мертвых, смертию смерть поправ и сущим во гробех живот даровав. Трижды.**

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

**Господи, помилуй, 12.**

**Слава, и ныне:**

**Приидите, поклонимся Цареве нашему Богу.**

**Приидите, поклонимся Христу, Цареве нашему, Богу.**

**Приидите, поклонимся и припадём Самому Христу, Цареве и Богу нашему.**

## Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгоняции мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитая в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внигда явити ми ся славе Твоей.

## Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко

упова́х на Тя. Незло́бивии и пра́вии прилепля́хуся мне, я́ко потерпе́х Тя, Го́споди. Изба́ви, Бо́же, Изра́иля от всех скорбе́й егó.

### Псалóм 50

Помíлуй мя, Бо́же, по вели́цей мíлости Твое́й, и по мно́жеству щедро́т Твои́х очíсти беззакóние моё. Наипáче омýй мя от беззакóния моего́, и от греха́ моего́ очíсти мя; я́ко беззакóние моё аз зна́ю, и грех мой предо мно́ю есть вíну. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззакóнных зача́т есмь, и во гресе́х роди́ мя ма́ти моя́. Се́ бо и́стину возлюбíл еси́, безвѣстная и та́йная премудрости Твоея́ яви́л ми еси́. Окропи́ши мя иссо́пом, и очíщуся; омýеши мя, и па́че снѣга убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очíсти. Сѣрдце чíсто сози́жди во мне, Бо́же, и дух прав обнови́ во утро́бе мое́й. Не отвѣржи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасѣния Твоего́, и Ду́хом Влады́чним утверди́ мя. Научу́ беззакóнныя путе́м Твои́м, и нечестíвии к Тебе́ обратя́тся. Изба́ви мя от крове́й, Бо́же, Бо́же спасѣния моего́; возра́дуется язы́к мой пра́вде Твое́й. Го́споди, устне́ мои́ отвѣрзеши, и уста́ моя́ возвестя́т хвалу́ Твою́. Я́ко а́ще бы восхотѣ́л еси́ жѣртвы, да́л бых у́бо: всесо́жжѣния не благоволи́ши. Жѣртва Бо́гу дух сокруше́н; сѣрдце сокруше́нно и смире́нно Бог не уничижи́т. Ублажи́, Го́споди, благово́лением Твои́м Сио́на, и да сози́дуются стѣны́ Иерусали́мския. Тогда́ благоволи́ши жѣртву пра́вды, возноше́ние и всесо́жегаемая; тогда́ возложáт на олта́рь Твой тельца́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бо́же. **Трижды.**

Го́споди, помíлуй. **Трижды.**

Сла́ва:

**Тропа́рь воскресный, глас 3:**

Да веселя́тся небѣсная,/ да ра́дуются земна́я;/ я́ко сотвори́ держа́ву мýшцею Сво́ею Госпо́дь,/ попрá смѣртию смeрть,/ пѣрвенец мѣртвых бысть;/ из чрѣва а́дова изба́ви нас,// и подаде́ мíрови ве́лию мíлость.

И ны́не:

**Богородичен:**

Богоро́дице, Ты еси́ лозá и́стинная, возрасти́вшая нам Плод живота́, Тебе́ мо́лимся: моли́ся, Влады́чице, со святы́ми апо́столы помíловати ду́ши

наша.

**Таже:**

Господь Бог благословен, благословен Господь день дне, поспешит нам Бог спасений наших, Бог наш, Бог спасати.

Святый Боже, Святый Крепкий, Святый Безсмертный, помилуй нас.  
**Трижды.**

Слава Отцу и Сыну и Святому Духу, и ныне и присно и во веки веков.  
**Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте  
разслаблену, / воздвигни Божественным Твоим предстательством, / якоже  
и разслабленнаго воздвигл еси древле, / да зову Ти, спасаемь:// Щедрый,  
слава Христе, державе Твоей.

**Господи, помилуй. 40.**

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

**Честнейшую Херувим и славнейшую без сравнения Серафим, без исления Бóга Сло́ва рóждшую, сущую Богородицу, Тя велича́ем.**

**Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас.**

**И молитву сию, святого Мардария:**

**Влады́ко Бо́же О́тче Вседержи́телю, Го́споди Сы́не Единоро́дный Иису́се Христе́, и Святы́й Ду́ше, Еди́но Божество́, Еди́на Си́ла, поми́луй мя, грешнаго, и и́миже ве́си судьба́ми, спаси́ мя, недосто́йнаго раба́ Твоего́, я́ко благослове́н еси́ во ве́ки веко́в. Ами́нь.**

**ЧАС ШЕСТЫЙ**

**Христос воскрес из мёртвых, смертью смерть поправ и сущим во гробех живót дарова́в. Трижды.**

**Псалом 53**

**Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пцыи взыска́ша ду́шу мою́, и не предлож́ша Бо́га пред собо́ю. Се бо Бог помога́ет ми, и Госпо́дь Засту́пник ду́ш мои́х. Отврати́т злая́ враго́м мои́м, и́стиною Твое́ю потреби́ их. Во́лею пожру́ Тебе́, испове́мся и́мени Твоему́, Го́споди, я́ко блага́, я́ко от вся́кия печа́ли изба́вил мя еси́, и на враги́ моя́ возре́ око́ мое́.**

**Псалом 54**

**Внуши́, Бо́же, моли́тву мою́ и не презри моле́ния моего́. Вонми́ ми и услы́ши мя: возскорбе́х печа́лию мое́ю и смято́хся. От гла́са вра́жия и от стуже́ния грешни́ча, я́ко уклони́ша на мя беззакóние и во гнѐве враждова́ху ми. Серге́це мое́ смяте́ся во мне и боя́знь сме́рти нападе́ на мя. Страх и трѐпет при́де на мя и покрý мя тьма. И рех: кто даст ми криле́, я́ко голуби́не, и полещу́, и почи́ю? Се удали́хся бе́гая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: я́ко ви́дех беззакóние и пререка́ние во гра́де. Днем и но́щию обы́дет и́ по стена́м его́. Беззакóние и труд посреде́ его́ и неправда. И не оскуде́ от стогн его́ ли́хва и лесть. Я́ко а́ще бы враг поноси́л ми, претерпе́л бых у́бо, и а́ще бы ненави́дья ми на мя велере́чевал, укрýл бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в до́му́ Бóжией ходи́хом единомышле́нием. Да при́дет же сме́рть на ня, и да снѐдут во ад жи́ви, я́ко лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Ве́чер и зау́тра, и полудне пове́м, и возвещу́, и услы́шит глас мой.**

Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеа, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведши их во студенец истления, мужие кровей и лести не преполовят дней своих. Аз же, Господи, уповаю на Тя.

### Псалом 90

**Живый** в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием объдет тя истина Его. Не убойшися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю я, покрыву я, яко позна имя Моё. Воззовет ко Мне и услышу его, с ним есмь в скорби, изму его и прославлю его, долготою дний исполню его и явлю ему спасение Моё.

**Слава, и ныне:**

**Аллилуиа, аллилуиа, аллилуиа, слава Тебе Боже. Трижды.**

**Господи, помилуй. Трижды.**

**Слава:**

**Тропарь воскресный, глас 3:**

**Да** веселятся небесная,/ да радуются земная;/ яко сотвори державу мщицею Своею Господь,/ попрал смертью смерть,/ первенец мертвых бысть;/ из чрева адова избави нас,// и подаде миру велию милость.

**И ныне:**

**Богородичен:**

**Яко** не имамы дерзновения за премногия грехи наша, Ты иже от Тебе Родшася моли, Богородице Дево, много бо может моление Матернее ко

благосердию Владыки. Не презри грешных мольбы, Всечистая, яко милостив есть и спасти могый, Иже и страдати о нас изволивый.

**Таже:**

Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

Святыи Боже, Святыи Крепкий, Святыи Безсмертный, помилуй нас.  
**Трижды.**

Слава Отцу и Сыну и Святому Духу, и ныне и присно и во веки веков.  
**Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. **Аминь.** (Мф. 6: 9-13)]

**Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте  
разслаблену, / воздвигни Божественным Твоим предстательством, / якоже  
и разслабленнаго воздвигл еси древле, / да зову Ти, спасаемь:// Щедрый,  
слава Христе, державе Твоей.

**Господи, помилуй. 40.**

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми,

достигнем в соединѣние вѣры и в разум неприступныя Твоея славы, яко благословѣн еси во вѣки вековъ, амѣнь.

Честнѣйшую Херувѣм и славнейшую без сравнѣния Серафѣм, без ислѣния Бѣга Слово рѣждшую, сущую Богородицу, Тя величаем.

Молѣтвами святыхъ отецъ нашихъ, Господи Иисусе Христѣ, Бѣже нашъ, помилуй насъ.

### И молитву сию святаго Великаго Василия:

Бѣже и Господи сил и всея твари Содѣтелю, Иже за милосердіе безприкладныя милости Твоея Единороднаго Сѣна Твоего, Господа нашего Иисуса Христа, низпославый на спасѣние рода нашего, и честнымъ Его Крестомъ рукописание грех нашихъ растерзавый, и победивый темъ начала и власти тьмы. Самъ, Владыко Человеколюбче, прими и насъ, грѣшныхъ, благодарственныя сия и молѣбныя молѣтвы и избави насъ отъ всякаго всегубительнаго и мрачнаго прегрѣшенія и всехъ озлобити насъ ищущихъ видимыхъ и невидимыхъ врагъ. Пригвозди страху Твоему плоти наша и не уклони сердце нашихъ в словеса или помышленія лукавствія, но любовь Твоею уязви души наша, да, к Тебѣ всегда взирающе и еже от Тебѣ светомъ наставляеми, Тебѣ, неприступнаго и присносущнаго зряще Свѣта, непрестанное Тебѣ исповѣданіе и благодареніе возсылаемъ, Безначальному Отцу со Единороднымъ Твоимъ Сѣномъ и Всесвятымъ, и Благимъ, и Животворящимъ Твоимъ Духомъ ныне, и присно, и во вѣки вековъ. Амѣнь.

## ЧИН ОБЕДНИЦЫ

**Христосъ воскресъ изъ мѣртвыхъ, смѣртію смерть поправъ и сущимъ во гробѣхъ живѣтъ даровавъ. Трижды.**

Благослови, душе моя, Господа: благословенъ еси, Господи.

### Псалом 102

Благослови, душе моя, Господа, и вся внутренняя моя, имя святое Его. Благослови, душе моя, Господа, и не забывайъ всехъ воздаяній Его, очищающаго вся беззаконія твоя, исцѣляющаго вся недуги твоя, избавляющаго отъ ислѣнія живѣтъ твой, венчающаго тя милостию и щедрѣтами, исполняющаго во благихъ желаніе твое: обновится яко орля юность твоя. Твори мѣлостыни Господь, и судьбу всемъ обидимымъ. Сказавъ пути Своя Моисѣови, сыновомъ Израилевымъ хотѣнія Своя. Щедръ и милостивъ Господь, долготерпеливъ и многомилостивъ. Не до конца прогневается, ниже во векъ враждуетъ. Не по беззаконіемъ нашимъ сотворилъ есть намъ, ниже по грехомъ нашимъ воздалъ есть намъ. Яко по высотѣ небесней отъ земли, утвердилъ



есть Господь мѣлость Свою на боящихся Его. Елико отстоят востѡцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сѣльный, тако оцветет: яко дух пройде в нем, и не будет, и не познает ктому мѣста своего. Мѣлость же Господня от вѣка и до вѣка на боящихся Его, и правда Его на сынѣх сынѡв, хранящих завет Его, и помнящих заповеди Его творити я. Господь на Небесѣ уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком мѣсте владычества Его, благослови, душе моя, Господа.

Слава Отцу, и Сыну, и Святому Духу.

### Псалом 145

Хвали, душе моя, Господа. Восхваляю Господа в животѣ моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век, Бог твой, Сионе, в род и род.

И ныне и присно, и во веки веков. Аминь.

Единородный Сыне, и Слове Божий, Безсмертен Сый, и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распный же, Христѣ Бже, смертию смерть поправый, един Сый Святыя Троицы, прославляемый Отцу и Святому Духу, спаси нас.

### БЛАЖЕННЫ

Во Царствии Твоем, помяни нас, Господи, егда приидеши во Царствии Твоем.

Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротцыи, яко тии наследят землю.

Блажени алчущии и жаждущии правды, яко тии насытятся.

**На 8:** Блажéни мѣлостивии, ꙗко тѣи помѣловани бѹдут.

**Отвѣргша,** Христé, заповедь Твою,/ праотца Адама из райа изгна́л еси:/ разбо́йника же ще́дре испове́давши Тя на крестé,/ вонь всели́л еси, зову́ща:// помяни́ мя, Спа́се, во ца́рствии Твоём.

Блажéни чи́стии се́рдцем, ꙗко тѣи Бо́га ўзрят.

**Согрѣших** нас сме́ртною осуди́л еси́ кля́твою, Живода́вче и Го́споди,/ те́лом же Твои́м, безгре́шне Влады́ко, пострада́в,/ сме́ртныя оживи́л еси́ зову́щия:// помяни́ и нас во ца́рствии Твоём.

**На 6:** Блажéни миротво́рцы, ꙗко тѣи сы́нове Бо́жии нареку́тся.

**Воскрéс** из ме́ртвых, совоскреси́л еси́ нас от страсте́й/ воскресéнием Твои́м, Го́споди:/ сме́ртную же всю си́лу погуби́л еси́, Спа́се./ Сего́ ра́ди ве́рою Ти зове́м:// помяни́ и нас во ца́рствии Твоём.

Блажéни изгна́ни пра́вды ра́ди, ꙗко тех есть Ца́рство Небе́сное.

**Тридне́вным** Твои́м погребéнием,/ и́же во а́де умерщвлéнныя, ꙗко Бог, оживотвори́вый, совоздвигл еси́,/ и нетле́ние всем, ꙗко Благ, источи́л еси́ нам, ве́рою зову́щим всегда́:// помяни́ и нас во ца́рствии Твоём.

**На 4:** Блажéни есте́, егда́ понóсят вам, и изжену́т, и реку́т всяк зол глаго́л на вы, лжу́ще, Мене́ ра́ди.

**Божéственнии** ученицы́, ви́девши жизнь всех из грóба воста́вши Христá, любóвию мно́гою, и нра́вом пра́вым, и веселием душе́вным покланя́хуся.

Ра́дуйтеся и весели́теся, ꙗко мзда ва́ша мно́га на Небесéх.

**Дре́вле** на одре́ болéзненном, в лéтех мно́зех слежа́й, Твои́м Христé повелéнием исцелéв, сла́вит воспева́я благоутрóбие Твоё, Жизнода́телю.

**Сла́ва:** Трóицу ли́цы Тя чту, еди́ницу же Суще́ством проповéдаю, Безнача́льне Отче, Сы́не, Ду́ше пра́вый: Бо́же всех, с вѣ́шними стра́шными во́инствами

**И ны́не:** Вся божéственным мановéнием нося́й, держи́мь есть Богороди́це Де́во во объ́тиях твои́х, всех нас восхища́я, от руки́ рабо́ты лука́ваго, ꙗко ще́др.

## ТРИСВЯТОЕ

Святѣй Бѣже, Святѣй Крѣпкій, Святѣй Безсмѣртный, помѣлуй нас.  
**Трижды, и три поклона.**

Слава Отцѣ, и Сыну, и Святѣму Дѣху, и ныне и присно, и во веки веков.  
**Аминь.**

Святѣй Безсмѣртный, помѣлуй нас.

Святѣй Бѣже, Святѣй Крѣпкій, Святѣй Безсмѣртный, помѣлуй нас.

### Прокимен, апостол и Евангелие

**Прокимен, глас 1:** Буди Господи милость Твоя на нас,/ якоже уповахом на Тя.

**Стих:** Радуйтеся праведнии о Господе: правым подобает похвала.

**Буди Господи милость Твоя на нас,/ якоже уповахом на Тя.**

Деяний святѣх Апостол чтѣние.

**Деяния святых Апостол, зачало 23: IX, 32-42:**

**Во дни оны, бысть Петру, посещающу всех, снити и ко святѣм живущим в Лидде: Обрете же тамо человека некоего, именем Енеа, от осми лет лежаща на одре, иже бе расслаблен. И рече ему Петр: Енее, исцеляет тя Исус Христос, востани с постели твоея. И абие воста: И видеша его вси живущии в Лидде и во Ассароне, иже обратшася ко Господу. Во Иоппии же бе некая ученица, именем Тавифа, яже сказаема глаголется, серна: сия быше исполнена благих дел и милостынь, яже творяше. Бысть же во дни твоя, болевшей ей умерети: омывше же ю, положиша в горнице. Близ же сущей Лидде Иоппии, ученицы слышавше, яко Петр есть в ней, послаша два мужа к нему, моляще его не обленитися приити до них. Востав же Петр иде с ними, егже пришедша возведоша в горницу, и предсташа ему вся вдовицы плачуща, и показующа ризы и одежды, елика творяше, с ними сущи, Серна. Изгнав же вон вся Петр, преклонь колена помолися, и обращься к телу, рече: Тавифо, востани. Она же отверзе очи свои, и видевши Петра, седе. Подав же ей руку, воздвиже ю, и призвав святѣя и вдовицы, постави ю живу. Уведано же бысть се по всей Иоппии, и**

**мнози вѣроваша в Гóспода.**

**Русский перевод:** В эти дни, случилось, что Петр, обходя всех, пришел и к святым, живущим в Лидде. Там нашел он одного человека, именем Энея, который восемь уже лет лежал в постели в расслаблении. Петр сказал ему: Эней! исцеляет тебя Иисус Христос; встань с постели твоей. И он тотчас встал. И видели его все, живущие в Лидде и в Сароне, которые и обратились к Господу. В Иоппии находилась одна ученица, именем Тавифа, что значит: "серна"; она была исполнена добрых дел и творила много милостынь. Случилось в те дни, что она занемогла и умерла. Ее омыли и положили в горнице. А как Лидда была близ Иоппии, то ученики, услышав, что Петр находится там, послали к нему двух человек просить, чтобы он не замедлил прийти к ним. Петр, встав, пошел с ними; и когда он прибыл, ввели его в горницу, и все вдовицы со слезами предстали перед ним, показывая рубашки и платья, какие делала Серна, живя с ними. Петр выслал всех вон и, преклонив колени, помолился, и, обратившись к телу, сказал: Тавифа! встань. И она открыла глаза свои и, увидев Петра, села. Он, подав ей руку, поднял ее, и, призвав святых и вдовиц, поставил ее перед ними живою. Это сделалось известным по всей Иоппии, и многие уверовали в Господа.

**Глас 5:** Аллилу́ия, аллилу́ия, аллилу́ия.

**Стѣх:** Мѣлости Твоя́ Гóсподи во век воспою́.

Аллилу́ия, аллилу́ия, аллилу́ия.

**Стѣх:** Зане́ рекл еси́: в век мѣлость сози́ждется.

Аллилу́ия, аллилу́ия, аллилу́ия.

От Иоанна свята́го Евáнгелия чтѣние.

Слáва Тебѣ, Гóсподи, слáва Тебѣ.

**Евангелие от Иоанна, зачало 14: V, 1 – 15:**

**Во время оно, взыде Иисус во Иерусалим. Есть же во Иерусалимех на Овчей купели, яже глаголется еврейски Вифесда, пять притвор имущи. В тех слежаше множество болящих, слепых, хромых, сухих, чающих движения воды. Ангел бо Господень на всяко лето схождаше в купель, и возмущаше воду: и яже первее влазаше по возмущении воды, здрав бываше, яцем же недугом одержимь бываше. Бе же ту некий человек, тридесять и осмь лет имый в недуге своем. Сего видев Иисус лежаща, и разумев, яко многа лета уже имяше в недуге, глагола ему: хочещи ли цел быти? Отвещая Ему недужный: ей, Господи,**

человека не имам, да егда возмутится вода, ввержет мя в купель: егда же прихожу аз, ин прежде мене слазит. Глагола ему Иисус: востани, возми одр твой, и ходи. И абие здрав бысть человек, и взял одр свой, и хождаше. Бе же суббота в той день. Глаголаху же жидове изцелевшему: суббота есть, и не достойт ти взяти одра твоего. Он же отвещая им: Иже мя сотвори цела, Той мне рече: возми одр твой и ходи. Вопросиша же его: кто есть Человек рекый ти: возми одр твой и ходи? Изцелевый же не ведяше, кто есть: Иисус бо уклонься, народу сущу на месте. Потом же обрете его Иисус в церкви, и рече ему: се здрав бысть, ктому не согрешай, да не горше ти что будет. Иде же человек, и поведа иудеом, яко Иисус есть, Иже мя сотвори цела.

**Русский перевод:** В то время, был праздник Иудейский, и пришел Иисус в Иерусалим. Есть же в Иерусалиме у Овечьих *ворот* купальня, называемая по-еврейски Вифезда\*, при которой было пять крытых ходов. В них лежало великое множество больных, слепых, хромых, иссохших, ожидающих движения воды, <sup>4</sup>ибо Ангел Господень по временам сходил в купальню и возмущал воду, и кто первый входил в нее по возмущении воды, тот выздоравливал, какою бы ни был одержим болезнью. Тут был человек, находившийся в болезни тридцать восемь лет. Иисус, увидев его лежащего и узнав, что он лежит уже долгое время, говорит ему: хочешь ли быть здоров? Больной отвечал Ему: так, Господи; но не имею человека, который опустил бы меня в купальню, когда возмутится вода; когда же я прихожу, другой уже сходит прежде меня. Иисус говорит ему: встань, возьми постель твою и ходи. И он тотчас выздоровел, и взял постель свою и пошел. Было же это в день субботний. Посему Иудеи говорили исцеленному: сегодня суббота; не должно тебе брать постели. Он отвечал им: Кто меня исцелил, Тот мне сказал: возьми постель твою и ходи. Его спросили: кто Тот Человек, Который сказал тебе: возьми постель твою и ходи? Исцеленный же не знал, кто Он, ибо Иисус скрылся в народе, бывшем на том месте. Потом Иисус встретил его в храме и сказал ему: вот, ты выздоровел; не греши больше, чтобы не случилось с тобою чего хуже. Человек сей пошел и объявил Иудеям, что исцеливший его есть Иисус.

Слава Тебе, Господи, слава Тебе.

Помяни нас, Господи, егда прийдеси во Царствии Твоём. **Поклон.**

Помяни нас, Владыко, егда прийдеси во Царствии Твоём. **Поклон.**

Помяни нас, Святыи, егда прийдеси во Царствии Твоём. **Поклон.**

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

**Стих:** Приступите к Немю и просветитесь, и лица ваша не постыдятся.

**Лик** Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

**Слава:** Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

**И** ныне: **В**ерую во единого Бога Отца, Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино Крещение во оставление грехов. Чаю воскресения мертвых, и жизни будущаго века. Аминь.

**Ослаби, остави, прости,** Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

**Отче** наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко** Твое есть Царство и сила и слава во веки. **Аминь.** (Мф. 6: 9-13)]

**Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте  
разслаблену, / воздвигни Божественным Твоим предстательством, / якоже  
и расслабленнаго воздвигл еси древле, / да зову Ти, спасаемь: // Щедрый,  
слава Христе, державе Твоей.

**Слава, и ныне:**

**Конда́к Па́схи, глас 8:**

А́ще и во гроб снизше́л еси́, Безсме́ртне, / но а́дову разруши́л еси́ си́лу, /  
и воскресе́л еси́, я́ко победите́ль, Христе́ Бо́же, / жена́м миронóсицам  
веща́вый: ра́дуйтесь, / и Твои́м апо́столом мир да́руяй, // па́дшим пода́й  
воскресе́ние.

**Го́споди, поми́луй. 12.**

**И моли́тву:**

Всесвята́я Трѳи́це, Единосу́щная Держа́во, Неразде́льное Ца́рство, всех  
благѳх Вина́, благоволи́ же и о мне грѳшем, утверди́, вразуми́ се́рдце моѳе,  
и всю моѳю отыми́ скве́рну, просвети́ моѳю мысль, да вѳну сла́влю, поѳю,  
покланя́юся и глаго́лю: Еди́н Свят, Еди́н Госпо́дь, Иису́с Христо́с, во сла́ву  
Бо́га Отца́. Ами́нь.

**Бу́ди И́мя Госпо́дне благослове́но отны́не и до ве́ка. Трижды.**

**Сла́ва, и ны́не:**

**Псалом 33:**

Благословлю́ Го́спода на всякое вре́мя, вѳну хвала́ Его́ во устѳх мои́х.  
О Го́споде похва́лится душа́ моя́, да услы́шат кро́тцыи и возвеселя́тся.  
Возвели́чите Го́спода со мно́ю, и вознесѳм и́мя Его́ вку́пе. Взыска́х Го́спода,  
и услы́ша мя, и от всех скорбе́й мои́х изба́ви мя. Приступите́ к Немѳу и  
просветите́ся, и ли́ца ва́ша не посты́дятся. Сей ни́щий воззва́, и Госпо́дь  
услы́ша ѳ, и от всех скорбе́й его́ спасе́ ѳ. Ополчи́тся А́нгел Госпо́день о́крест  
боя́щихся Его́, и изба́вит их. Вкуси́те и ви́дите, я́ко благ Госпо́дь; блаже́н  
муж, ѳже упова́ет Нань. Бо́йтесь Го́спода, вси святи́и Его́, я́ко несть  
лише́ния боя́щимся Его́. Богáтии обнища́ша и взалка́ша, взыска́ющии же  
Го́спода не лишáтся вся́каго бла́га. Приидите́, ча́да, послу́шайте мене́,  
стра́ху Госпо́дню научу́ вас. Кто есть челове́к хотя́й живо́т, любя́й дни  
ви́дети бла́ги? Удержи́ язы́к твой от зла, и устне́ твой, е́же не глаго́лати  
льсти. Уклоня́йся от зла и сотвори́ бла́го, взыщи́ ми́ра и поже́ни ѳ. Очи  
Госпо́дни на пра́ведныя, и у́ши Его́ в моли́тву их. Лице́ же Госпо́дне на  
творя́щия зла́я, е́же потреби́ти от земли́ па́мьть их. Воззва́ша пра́веднии, и  
Госпо́дь услы́ша их, и от всех скорбе́й их изба́ви их. Близ Госпо́дь  
сокруше́нных се́рдцем, и смире́нныя ду́хом спасе́т. Мно́ги ско́рби  
пра́ведным, и от всех их изба́вит я́ Госпо́дь. Храни́т Госпо́дь вся ко́сти их, ни  
еди́на от них сокруши́тся. Смерть грѳшников люта́, и ненави́дящии  
пра́веднаго прегрешáт. Изба́вит Госпо́дь ду́ши раб Свои́х, и не прегрешáт  
вси упова́ющии на Него́.

**А**нгел вопияше Благодатней: Чистая Дѣво, радуйся! И паки реку: радуйся! Твой Сын воскресе триднѣвен от гроба, и мѣртвыя воздвигнувый: людие, веселитесь.

**С**ветися, светися, нѡвый Иерусалиме, слава бо Господня на тебѣ возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Слава, и ныне:

Господи, помилуй. **Трижды. Благослови.**

**Отпуст**

**В**оскресий из мѣртвых, Христѣ, истинный Бѡже наш, молитвами Пречистой Твоея Матере, святыхъ славныхъ и всехвальныхъ Апостол, преподобныхъ и богоносныхъ отецъ нашихъ, святыхъ и праведныхъ богоотецъ Иоакима и Анны, и всехъ святыхъ, помилуй и спаси нас, яко Благъ и Человеколюбецъ.

**Х**ристосъ воскресе из мѣртвых, смѣртию смерть поправъ и сущимъ во гробѣхъ живѡт даровавъ. **Трижды.**

**И** нам даровѡ живѡт вѣчный, покланяемся Егѡ триднѣвному Воскресѣнию.

Великаго господина и отца нашего Кирилла, Святѣйшаго Патриарха Московскаго и всея Русѣ, и господина нашего высокопреосвященнейшаго **имярек**, митрополита [или: архиепископа; или: преосвященнейшаго **имярек**, епископа] [егоже есть область], настоятеля, брѡтию и прихожанъ святаго храма нашего, домочадцы наша и вся православныя христианы, Господи, сохрани ихъ на многая лѣта.

**КОНЕЦ И БОГУ СЛАВА.**